

O'ZBEK TILI TIBBIY TERMINLARINING GENETIK XUSUSIYATLARI

Buronova Xolida Toshtemirovna,
O'zbekiston Milliy universitetining Jizzax filiali o'qituvchisi
<https://doi.org/10.53885/edires.2024.03.1.009>

Annotatsiya: Dunyoda mavjud barcha tillarning rivojlanish qonuniyatlaridan biri uning boshqa tillar bilan aloqasidir. Bu esa tillarning leksikasida o'z aksini topadi. Tillarning dunyoda borligi talablaridan biri ham so'zlarning o'zlashishidir. Ushbu o'zlashgan so'zlarning etimologiyasini o'rganish tilning diaxron va sinxron holati haqida, qaysi davrda qaysi tillar bilan o'zaro va faol aloqada bo'lganligi to'g'risida ma'lumot bera oladi. Mazkur maqolada o'zbek tiliga o'zlashgan terminlarning genetik kelib chiqish asosi "O'zbek tilining izohli lug'ati" asosida tahlil qilingan.

Kalit so'zlar: lug'at, lug'atshunoslik, termin, tibbiyot, genetik, o'z qatlam, o'zlashma qatlam, olinma so'zlar, etimologiya.

GENETIC CHARACTERISTICS OF UZBEKI MEDICAL TERMS

Buronova Holida,
teacher of the Jizzakh branch of Uzbekistan National University

Annotation: one of the laws of development of all languages that exist in the world is its relationship with other languages. This is reflected in the lexicon of languages. One of the requirements for the presence of languages in the world is also the appropriation of words. The study of the etymology of these acquired words can provide information about the diachronic and synchronous state of the language, about which languages it interacted with and actively during which period. In this article, the basis of the genetic origin of the terms adopted into the Uzbek language was analyzed on the basis of the "Explanatory Dictionary of the Uzbek language".

Keywords: dictionary, lexicology, terminology, medicine, genetics, own layer, absorption layer, derivations, etymology.

ГЕНЕТИЧЕСКАЯ ХАРАКТЕРИСТИКА УЗБЕКСКИХ МЕДИЦИНСКИХ ТЕРМИНОВ

Буронова Холида Тоштемировна,
преподаватель Джизакского филиала Национального университета

Аннотация: одним из законов развития всех языков, существующих в мире, является его связь с другими языками. И это отражается в лексике языков. Одним из требований существования языков в мире является усвоение слов. Изучение этимологии этих заимствованных слов может дать информацию о диахронном и синхронном состоянии языка, о том, с какими языками он взаимодействовал и активно взаимодействовал в какой период. В данной статье анализируется генетическое происхождение терминов, заимствованных из узбекского языка, на основе "толкового словаря узбекского языка".

Ключевые слова: словарь, лексика, термин, медицина, генетика, собственный слой, слой ассимиляции, производные слова, этимология.

Inson hayotiga doir xalqaro standartlarga ega sohalardan biri bo'lgan tibbiyot mamlakatimizda taraqqiy topishi nuqtayi nazaridan ko'pyillik tarixga ega ekanligini ko'plab dalillar yordamida isbot qilish mumkin. Birgina "meditsina" so'zining vatandoshimiz Abu Ali ibn Sino nomidan olinganligining o'zi ham fikrimizning yorqin ifodasi bo'la oladi. Ammo xalqaro miqyosda ushbu sohaning fan sifatida taraqqiy topishi, yoyilishi g'arb mamlakatlariga borib taqalishi ushbu soha terminologiyasining etimologiyasi ko'plab g'arb tillari bilan bog'liqligi ayni haqiqat ekanini inkor etmaydi. Aynan inson hayoti qadrlanishini nazarda tutuvchi xalqaro sa'y-harakatlarning amalga oshishi, xalqaro tashkilotlar faoliyatining yo'lga qo'yilishi mana shu jarayonlar bilan aloqador sohalarning tilida baynalmilallik xususiyati ustun bo'lishini taqazo qiladi. Ya'ni inson huquqi himoya qilinishi deyarli butun dunyo bo'ylab huquqqa oid tushunchalarni bir xil nomlashni taqazo qilgani kabi, uning hayotini asrash, salomatligini tiklashga oid tushunchalarning ham dunyoning har burchagida aynan bir xil bo'lishi zaruratini yuzaga chiqaradi. Qolaversa, shiddatli globallashuv jarayonida ushbu soha vakillarning o'zaro aloqasi va tajriba

almashinuvi ehtiyoj sanalganligi uchun ham ularning kasbiy muloqot tilida sohaga oid tushunchalarning bir xil bo‘lishini davr talabi deyish mumkin.

Ammo shunga qaramay aytish mumkinki, inson salomatligi bilan bog‘liq xalqning boy tajribasi, olamni metaforik anglashning har bir tilda o‘ziga xos tarzda aks etishi, xalqona tabobatning amalda qo‘llanishi kabi omillar tibbiyot sohasi terminologik leksikasida o‘z qatlama so‘zlarining mavjudligini, bu birliklarning soha termini sifatida shakllanib, iste’molda qo‘llanishini inkor etib bo‘lmaydi. Ammo aynan shu holat soha birliklari ichida leksik dubletlar, sinonimlar, polisemantik birliklarning ko‘payishiga, natijada terminologik tizim uchun salbiy sanalgan holatlarning yuzaga kelishiga sabab bo‘ladi. Qolaversa, mustaqillik yillarda terminologik tizimlarni milliylashtirish harakatlari kuchayishi ushbu tizimning tilshunoslar nazoratidan chetga chiqishiga ham sabab bo‘lib, ana shuning oqibatida ko‘plab terminologik tizimlar fan-texnikaga doir tushunchani nomlovchi so‘zlarning zo‘rma-zo‘raki, havaskorona o‘zbekchalashish holatlariga uchradi. Milliy tilning terminologik tizimni shakllantirish imkoniyatini yetarli darajada baholay olmaslik emas, balki terminologiyada tushunchaga nom berishning aniq mezonlari ishlab chiqilmaganligi ham ko‘plab salbiy holatlarni keltirib chiqarishi tabiiy edi. Xususan, obyektimiz tibbiyot terminologiyasining mustaqillikning dastlabki yillardagi holati bo‘yicha ham xuddi shunday fikr yuritish mumkin.

O‘zbek tilining terminologik tizimlari orasida eng salmoqlilaridan bo‘lgan tibbiyot terminologiyasi birliklari ichidan o‘zbek tilining izohli lug‘ati uchun tanlab olingan tib. va med. pometali terminlarning genetik jihatdan tahlili quyidagicha tasnif asosida taqdim etiladi:

o‘z qatlama tibbiy terminlari (o‘zbekcha so‘zlarning termin sifatida qo‘llanishi);

-o‘zlashgan qatlama tibbiy terminlari: arab tili; fors tili; lotin tili; yunon tili; ingliz tili; fransuz tili; (zond, izolyatsiya, pipetka, tik, trepaniya); italyan tili; (pellagra); nemis tili; (shpatel, lanset, rentgen); rus va qadimgi rus tili; (rak, singa).

Quyida 5 jildli O‘TILda mavjud tibbiy terminlarning yuqoridaagi tasnif bo‘yicha tahlilini ko‘rib o‘tamiz:

O‘z qatlama tibbiy terminlari (o‘zbekcha so‘zlarning termin sifatida qo‘llanishi)

Sof o‘zbekcha terminlar: xirillash, qusish, qaltirama, o‘sma, o‘zgaruvchanlik, qonsizlik, liqildoq, manqalanish, manqalik, igna, irish, kuyish, ko‘kyo‘tal, ko‘rish, ko‘richak, karash, murtak, soqovlik, sувchechak, tang‘ish, terlama, terlash, titrash, tutqanoq, tepki, yara, oraliq, oqma, bog‘lov, bosqich, bichilish, buyurmoq, gul, yelikish, yorg‘oq, jonsizlantirmoq, issiqlik, shilpiq, xantalli, aksirish.

O‘zlashgan qatlama tibbiy terminlari:

Arab tilidan olingan so‘zlarning termin sifatida berilishi: avrat, asorat, bavosir, istisqo, savdo, saraton, tashxis, falaj, xafaqon, xilt, huqna (hushsizlik)

Fors tilidan olingan so‘zlarning termin sifatida berilishi: shirinch, zardob, zaxm, pes, pilla, rishta, suzak, saramas, tuxmak, xol, chakmazak, chok, shirzada, paysa (taxtakach, shirinch). Bu so‘zlardan paysa birligi sof forschalar emas, fors+hind shaklida etimologik belgi bilan berilgan.

Lotin tilidan olingan so‘zlarning termin sifatida berilishi: gallutsinatsiya, gingivit, depressiya, detrit, dizenteriya, immobilizatsiya, immunitet, inkubatsiya, infarkt, infeksiya, kaverna, menstruatsiya, novokain, ordinatura, ostit, palpatsiya, perkussiya, provokatsiya, puls, punksiya, radikulit, reabilitatsiya, reaksiya, reanimatsiya, rezeksiya, respirator, retsept, retsidiv, sanatsiya, skolpel, tolerantlik, tonzillit, transplantatsiya, ekzema, eksgumatsiya, eroziya, exinakokk.

Nemis tili orqali lotin tilidan o‘zlashgan birliklar. Nemischa<lotincha: lanset, shpatel, (shina, shinalash)

Lotin tili orqali yunon tilidan o‘zlashgan birliklar. Lotin<yunon: laringit

Qismlaridan biri boshqa, ikkinchisi boshqa tilga oid birliklar:

yunon+lotin: osteomielit, parametrit, paraproktit, paratit, pielit, pielonefrit, plevrit, proktit, encefalit, encefalogramma.

lotin+yunon: fibroma, letargiya, peritonit.

Yunon tilidan olingan so‘zlarning termin sifatida berilishi: avitaminozlar, agnoziya, akineziya, agoniya, apatiya, apopleksiya, aritmija, arterioskleroz, blefarit, bronxografiya, gangrena, gemitologiya, giperemiya, gipertermiya, gipertoniya, gipotermiya, gipotonija, gipotrofiya, gips, glaukoma, dermatit, diabet, diatez, dispepsiya, displaziya, distrofiya, difteriya, doza, kaxeksiya, kolit, krizis, levomitsetin, leykemiya, leykopeniya, logopatiya, mastit, miningit, metastaz, meteorizm, nevralgiya,

nevresteniya, nevrologiya, neyrodermit, nekroz, nefrit, osteoma, osteomomalyatsiya, osteomielit, osteoxondroz, otofon, pandemiya, pankreatit, parametrit, paratif,erez, patogenez, patologiya, patologik, piidermiya, pnevmokokklar, pnevmoniya, podagra, poliartrit, polidaktimiya, polinevrit, poliomislit, polip, poliuriya, revmatizm, revmatologiya, rinologiya.

Ingliz tilidan olingan so‘zlarning termin sifatida berilishi: blokada, boks, drenaj, ketgut.

Bundan tashqari inglizcha bitta so‘z – shok tibbiy termin sifatida fransuz tili orqali o‘zlashganligi lug‘atda belgilangan.

Fransuz tilidan olingan so‘zlarning termin sifatida berilishi: zond, izolyatsiya, pipetka, tik, trepansiya, shok.

Italian tilidan olingan so‘zlarning termin sifatida berilishi: pellagra.

Nemis tili tilidan olingan so‘zlarning termin sifatida berilishi: shpatel, lanset, rentgen.

Rus va qadimgi rus tilidan olingan so‘zlarning termin sifatida berilishi: rak, singa.

Statistik ma’lumotlarga ko‘ra XX asrning so‘nggi o‘n yilligida jahon miqyosida barcha mamlakatlarda turli tizimlarda yangi yo‘nalishlar va yangicha yondashuvlar paydo bo‘lishi hisobiga ko‘plab tizimlar va ularning terminologiyasi muhim o‘zgarishlarga uchragan. Terminlar etimologiyasiga oid ko‘rsatkichlar tibbiyot tizimi bundan mustasno bo‘lganini yoki soha terminlari tubdan o‘zgarmaganligini ko‘rsatadi.

Shuni aytib o‘tish joizki, lotin, yunon, fransuz, nemis, italyan kabi tillardan olingan so‘zlarning o‘zbek tilida termin sifatida qo‘llanishi mazkur tillarning o‘zidan to‘g‘ridan-to‘g‘ri emas, balki rus tili orqali amalga oshgan. Bu terminlarning imlo va talaffuziga oid masala – qoidalar ham rus tili orqali o‘zlashtirilganligi fikrimizni dalillaydi.

Yuqoridagi umumiy ko‘rsatkichlar foizlarda quyidagicha namoyon bo‘ladi:

5 jildli O‘TILda berilgan tibbiyotga oid birliklarning genetik tahlili:

o‘z qatlam terminlari – 14%; arab: 2%; fors: 1,4%; lotin: 13,2%; yunon: 37,6%; ingliz: 1,4%; fransuz: 1,8%; italyan: 0,4%; nemis: 1,07%; rus: 0,7%; qismlaridan biri boshqa, ikkinchisi boshqa tilga oid murakkab genetik xususiyatga ega birliklar: 4,7%.

Xulosa sifatida aytish mumkinki, genetik ma’lumotlarning berilishi termin haqida to‘liqroq tasavvurga ega bo‘lish va tushuncha hosil qilishda muhim ahamiyat kasb etadi. Tibbiyotda terminlarga qo‘yiladigan talablardan biri uning etimologik ma’lumotiga ahamiyat berish hisoblanadi. So‘z (lotin, yunon tillaridan olingan) tibbiy termin sifatida shakllantirilish jarayonida uning tub etimologik ma’nosini o‘zgarmasligi lozimligi ta‘kidlanadi. Tadqiqot obyektimiz – Izohli lug‘atlardagi tib. va med. pometali tibbiyotga oid etimologik ma’lumotlarga doir tahlillarimiz shuni ko‘rsatadiki, O‘TILda tibbiyot tili hisoblanmish lotin va yunon tillariga oid birliklar berilishi yetakchilik qiladi. Shu bilan birga o‘z qatlam birliklarining termin sifatida berilishi ham pometali birliklarga nisbatan olganda salmoqli. Bu milliy tilning termin shakllantirish xususiyatini ko‘rsatishda muhim ko‘rsatkich sifatida qaralishi maqsadga muvofiq. Tahlillarimiz mobaynida biz tomonimizdan ko‘rsatilgan holatlar keyingi nashrlarda inobatga olinishi lug‘atdan foydalanish samaradorligini oshirishga, qolaversa, lug‘at tarkibini tamollashtirishga xizmat qiladi.

Adabiyotlar ro‘yxati

Даниленко В. П. Русская терминология: Опыт лингвистического описания. – М., 1977. С.17.

Махмудов Н. Тил тилсими тадқиқи. – Тошкент: Mumtoz so‘z, 2017. – Б.129.

Gyls, Barbara A. Medical terminology simplified: a programmed learning approach by body system/ Barbara A. Gyls, Regina M. Masters. — Fifth edition. 2014

Rustamova S.Sh., Saydullayeva M.A., Abdullayeva R.M va boshqalar. Lotin tili va tibbiy terminologiya. TTA bakalavr 1-kurs talabalri uchun darslik. Toshkent, 2017. 311 b.

Boliyev M.N. Lotin tili va tibbiyot terminologiyasi: tibbiyot kollejlari uchun darslik. -qayta ishlangan va to‘ldirilgan 8-nashr. – Toshkent: O‘zbekiston milliy ensiklopediyasi, Davlat ilmiy nashriyoti, 2013. – B.58.

Ўзбек тилининг изоҳли лугати. 5 жилдли. 1-жилд. – Тошкент: Ўзбекистон миллый энциклопедияси, 2006. – Б.492.

Ўзбек тилининг изоҳли лугати. 5 жилдли. 2-жилд. – Тошкент: Ўзбекистон миллый энциклопедияси, 2006. – Б.488.

Ўзбек тилининг изоҳли лугати. 5 жилдли. 5-жилд. – Тошкент: Ўзбекистон миллый энциклопедияси, 2006. – Б.42.